

ՀՈՎՀԱՆՆԵՍ ԾԻՐԱԶ

Է Բ Ս Պ Ր Ո Մ Տ

Մենք խաղաղ էինք մեր լեռների պես,
Դուք՝ հողմերի պես խուժեցիք վայրագ,
Մենք ձեր դեմ ելանք մեր լեռների պես,

Դուք՝ հողմերի պես ոռնացիք վայրագ:
Բայց մենք հավերժ ենք մեր լեռների պես,
Դուք՝ հողմերի պես կկորչեք վայրագ:



«Ռուխա» կինոթատրոնի շենքը. Երևան

ԳԵՂԱՄ ՍԱՐՅԱՆ

Ս Պ Ա Ս Ո Ւ Մ

Թամանյան դիվիզիային

Պտղավորված այգիների զովը փռած ձեր
ճամփին,
Պարտեզների շքեղահյուս գորգերն ամեն
ձեր ճամփին,
Արարատի, Արագածի հալաքքն ողղած
ձեր ճամփին,
Մեր երկիրը սպասում է, սպասում է ձեր
գալուն:
Հայաստանի հովերն եկան ձեզ ընդառաջ՝
համբուրեն,
Ծաղկոցների բույրերն եկան ճամփանե-
րում ձեր բուրեն,

Թռան սրտերը մայրերի, որ փարվեն ձեզ,
գուրգուրեն,
Մեր երկիրը սպասում է, սպասում է ձեր
գալուն:
Եկե՛ք, քաջեր, հայոց քաջեր, նայում ենք
մենք ձեր ճամփին,
Գորովալի մեր սրտերը փռած ահա ձեր
ճամփին,
Կարոտալառ մեր հույզերը ու մեր սերը
ձեր ճամփին,
Մեր երկիրը սպասում է, սպասում է ձեր
գալուն: